

Allannguutissatut siunnersuut

Uunga

Uunga siunnersuut: Ilinniartut sungiusartullu atorfinitsinnerini suliffeqarfiit pisortanilu oqartussaasut inuiaqatigiinni akisussaaffiat pillugu Inatsisartut inatsisaat nr. xx, xx. xxx 2019-imeersoq

Aappassaaneerneqarnissaanut Suliffeqarnermut, Avatangiisinut Ilisimatusarnermullu Naalakkersuisumit saqqummiunneqartoq

§ 14-imut

1. § 14-imi imm. 3 aamma 4 ikkunneqassapput:

”Imm. 3. Suliffeqarfiit aamma pisortani oqartussaasut ukiumoortumik Naalakkersuisunut nalunaarutiginnittassapput, makku pillugit:

1) § 8 naapertorlugu ilinniarfissatut- imaluunniit sungiusarfissatut akuerisaaneq pillugu ilinniarfinnut attuumassutilinnut attaveqartoqareersoq.

2) § 9 naapertorlugu ilinniarfissatut- imaluunniit sungiusarfissatut akuerisaanermisut, nunaqavissunik ilinniartussanik imaluunniit sungiusartussanik atorfinitsitsisoqareersoq.

Imm. 4. Aammattaaq § 11 naapertorlugu inatsimmi matumani nalunaarutiginninnissamut piumasaaqatinik imaluunniit pisussaaffinnik eqquutsitsinngitsoornermi ilassutitut nalunaarutiginninneq aamma isumaqatigiissuteqarnermi maleruagassiuineq pillugit aalajangersakkanik sukumiinerusunik Naalakkersuisut aalajangersaasinnaapput.”

§ 16-imut

2. § 16 imatut allanneqassaaq:

”§ 16. Inatsisartut inatsisaat ulloq 1. januaari 2021 atuutilissaaq.

Imm. 2. § 10, imm. 4 naapertorlugu 2021-mut nalunaarsornissamut piffissaq pillugu aalajangersakkanik sukumiinerusunik Naalakkersuisut aalajangersaasinnaapput.”

Siunnersuummut oqaaseqaatit

Oqaaseqaatit nalinginnaasut

UKA 2019-imi Ilinniartut sungiusartullu atorfinitsinnerini suliffeqarfiit pisortanilu oqartussaasut inuiaqatigiinni akisussaaffii pillugit Inatsisartut inatsisaat nr. xx, xx. xxx 2019-imeersup allanggortinneqarnissaa pillugu siunnersuutip aappassaaneerneqarnissaa UKA2020-mut kinguartinneqarpoq.

Inatsimmik naammassinninnermik eqquutsitsinermillu nakkutiginninnerup annertusarneqarnissaa Suliffeqarnermut, Avatangiisinut Iisimatusarnermullu Naalakkersuisup kissaatigaa.

Siunnersuummi aalajangersakkanut ataasiakkaanut oqaaseqaatit

Nr. 1-imut

Imm. 3:

§§ 8 aamma 9 naapertorlugit Siunnersuummut ilaatinneqartunut suliffeqarfinnut pisortanilu oqartussaasunut tamanut aalajangersagaq atuuppoq.

Suliffeqarfiit pisortanilu oqartussaasut siunnersuummut ilaatinneqarnerlutik naliliinissamut attuumassutillit pissutsit aamma siunnersuut malillugu pisussaaffimminnik eqquutsitsisimanerlutik ukiut tamaasa allattortassavaat.

Ilinniartunik sungiusartunillu atorfinitsitsinissat pillugit siunnersuummi aalajangersakkanik suliffeqarfiit aamma pisortani oqartussaasut eqquutsitsinerannik Naalakkersuisut ukiumoortumik misissuillutillu nakkutilliinissaannik aalajangersakkami periarfissinneqarput. Suliffeqarfiit imaluunniit pisortani oqartussaasut januaarimi nalunaaruteqassapput, taamaattumillu nalunaarummik nassiussinissamut piffissaliussaq kingulleq tassaavoq ulloq 31. januar. Aalajangersagaq taanna najoqqutaralugu suliffeqarfiup imaluunniit pisortani oqartussaasut nalunaaruteqarnissamik piumasaqaammik eqquutsitsinissaat pillugu Naalakkersuisut peqqusummik nalunaaruteqarsinnaapput.

Suliffeqarfiit aamma pisortani oqartussaasut imm. 3 naapertorlugu nalunaarsuilerunik Naalakkersuisunut nassiussugassaat paasissutissat aalajangersakkami tullerriaarneqarput.

Imm. 4:

Inatsimmi matumani nalunaaruteqarnissamut piumasaqaatinik imaluunniit pisussaaffinnik eqquutsitsinnginnermik pisoqartillugu, assersuutigalugu eqquutsitsinissaq pillugu nammineq piumassutsimik taamaattorli pituttuisumik isumaqatigiissummik isumaqatigiissusiorneq pillugu, pineqartut ataasiakkaatut nalilerneqarneri malillugit, § 11-imi eqqaaneqareersut kinguneqartitsinerit saniatigut ilassutitut isumaqatigiissuteqarnermi malittarisassiineq pillugu Naalakkersuisut atulersitsinissaannut aalajangersagaq inatsisitigut tunngavissiivoq. Nammineq piumassutsimik isumaqatigiissut isumaqatigiissusiarineqarsinnaangippat imaluunniit eqquutsinneqarsinnaangippat qungujunnertalimmik-aaqqissuussinermut eqqarsaatigineqartumut naleqqiullugu suliffeqarfimmuut kinguneqartinneqarsinnaavoq.

Nr. 2-mut

Siunnersuutip aappassaaneerneqarnerata UKA 2020-mut kinguartinneqarnera tunngavigalugu allannguut inatsisilioriaatsikkut naqqiissutaavoq.